



Олтмишинчи йилнинг ўрталарида ўспирин бола эдим. Катталар кичкина ҳисоблаб, кўп ишларга аралаштирмасда, анча-мунча нарсасига ақлим етарди. Уша пайтларда шахримизда қамалиб келганлар атиги беш-олти кишини ташкил қилар, уларга бошқалар жуда совуқ муносабатда бўлиши ҳануз эсимда. Тўғриси айтганда, ҳамшаҳарларим ундай тоғфадаги кишилардан мумкин қадар ўзларини олиб қочишар, узокдан бармоқни бигиз қилиб кўрсатишарди бир-бирларига. Бу муносабатни жазо муддатини ўтаб чиққанлар ҳар қадамда, ҳар нафасда сезиб туришарди. Ўзларича кўпчиликка қўшили олмас, тўй-ҳашамларда ҳам тенгқурларига арала-

эшитмай кетиб қоладиган бўлса, алоҳида гаплашиб қўяман!— деди ва ёқимсиз овозда киргойисини бошлаб юборди. Ўзи ҳам нақинки соат хириллади. Тартибга чақириб қўйишга ҳеч ким ботинолмади. Маҳалла фаолларию соқолига қор инган отахонларгача миқ этмасди. Баъзи диёнатсиз ёшлар эса ҳамманинг асабини бузаётган безорини микрофон орқали мактаб, хушомад қилишгача бориб етди.

Фурсати келганда айтиб олай, ҳамма тартибдаги қамқоқоналар ҳам биз кутган натижаларни бермаяпти. У ерларда маҳкум ва маҳкумалар ахлоқини тузатишга ҳаракат сезилмаяпти, аксинча кун ўтса бўлди қабилда иш тутилмоқда.

батан кўпинча мурасасозлик қилишармиш. Ишончим комилки, ана шундай бўхтонни тарқатишдан роҳатланадиган, ўзининг ақлли эканлигини шу каби асоссиз гаплар билан кўрсатишга уринадиганлар оддийгина гувоҳлик беришга ярамайди кўпинча.

ИИБ навбатчилик қисмига касалхонадан маълумот тушди. К. исмли шахс муштлашиш туфайли тан жароҳати олган экан. Бу иш билан шуғулланиш учун унинг олдида шовилдим. Аммо сезиб турибманки, К. га ташрифим ёқмади. «Мени ҳеч ким урганмас, ўзим йиқилиб тушдим, хоҳласангиз шу ҳақда тилхат ёзиб беришим мумкин»,— деди истамайгина. Ваҳоланки, у ичиб олган безори қўлида калтакланиб, жон ҳолатда дод-фарёд кўтарганига шовид бўлганларни тойдим.

Орамыздан меҳр-оқибат, диёнат кўтарилиб кетаётганига ҳам мисолларим бор. Ички ишлар бўлимига келган хабарга асосланиб, жанжал бўлаётган жойга шовилдик. Не кўз билан кўрайликки, ёқалашётганлар девор-дармиён бўлсада, етти ёт бегона қўшнилари эмас, бир қориндан талашиб тушган ака-укалар экан. Энди ўзингиз ўйлаб кўринг. Ёши бир жойга бориб қолган отаси ва амакиси ўртасидаги бундай келишмовчилик уларнинг фарзандларига қандай таъсир этаркин? Амакиваччалар ўртасидаги меҳр-ниҳоли шу туфайли сарғайиб-сўлмасмикин?

Аслида бу гапларим янгилик эмас. Шундай воқеаларни мақоламни ўқитганлар бошқа жойларда ҳам кўришган бўлишлари мумкин. Мен битта фикрни, сийқаси чиқиб кетган бўлсада, тақдорлагим келади. Диёнатли бўлайлик, одамлар!

Эминжон ОБИДОВ,
милиция капитани,
Риштон тумани.

«ОҚ ЙЎЛ...»

Ўзбекистон ИИБ қошидаги товар-моддий бойликларни олиб чиқиб кетишни назорат қилувчи давлат назорияти бош бошқармасининг Тошкент шаҳар бўлинимасидан:

Шу йилнинг 2 март куни Арманистондан келган фуқаро Форо Госян ўз ватанига учиб кетишга шайланиб турганди. Агар у юртдошларимиз ҳақидан юлиб кетишга уринмаганида, манзилига тинчгина етиб олиши мумкин эди. Лекин куруқ қўл билан қайтишни эп билмаган экан. Юк халтасидаги ихлос билан жойланган етти минг эллик сўмлик 47 килограмм қорғошун билан қайтишни Ф. Госян яна 300 сўм жарима тўлашга мажбур бўлди.

Ҳамюртимиз Артур Захарян ҳам кофе ишқибоз бўлиб чиқди. У Жиззах вилоятида яшайди. Тошкентдан Арманистонга кетаётган бу йигитнинг сафархалтасидан тўрт минг сўмлик кофе чиқди. 5 минг 779 сўмлик халқ хўжалиги моллари билан

қўналғага етиб келган Рубин Арсениннинг қўлини ҳам ДН ходимлари «енгил» қилишди.

Тошкентлик озарбайжон миллатига мансуб Бахтиёр Гудрат ўғли қариндошларини кўриб келиш баҳонасида турли хил ноёб молларини елкасига ортмоқлаганди, бўлмади.

Озарбайжонлик Тофик Набиев 20 килограмм сариёғ, уч ярим килограмм ёнғоқ ва 400 сўм жарима пулини қолдириб, ватанига учиб кетди.

Т. Набиевнинг ҳамюрти Румия Юнус қизи Нахичеванга 26 минг сўмлик «майда-чуйда» билан отланибди. Лекин уни қўналғада «катта-катта» ташвишлар кутиб турган эди.

Тюменлик Светлана Мونسеева кийим-кечак дардида Тошкентга келиб, 11 та спорт камзули, 7 та аёллар кофаси, битта куртка, жами 29 минг сўмлик бисот йиғди. Қайтишда бисот билан бирга 500 сўмлик жарима тўловини ҳам ташлаб кетишга мажбур бўлди.

Маҳкам ҲАКИМОВ.



«ДАВЛАТ ТАСАРРУФИДА БЎЛМАГАН ВА ҲУҚУҚНИ МУҲОҒАЗА ҚИЛИШ ОРГАНЛАРИ ВАЗИФАЛАРИНИ БАЖАРАДИГАН ТУЗИЛМАЛАРНИНГ ФАОЛИЯТИНИ ТАҚИҚЛАШ ҲАМДА ЯККА КУРАШНИНГ ЖАНГОВАР ВА ШАРҚ УСУЛЛАРИНИ ЎРГАТАДИГАН СПОРТ КЛУБЛАРИ (СЕКЦИЯЛАРИ) ИШНИ ТАРТИВГА СОЛИШ ТЎҒРИСИДА» ЎЗБЕКИСТОН РЕСПУБЛИКАСИ ПРЕЗИДЕНТИ ҲУЗУРИДАГИ ВАЗИРЛАР МАҲКАМАСИНИНГ ҚАРОРИГА ДОИР

17 март куни республика ҳукуматида жамоат хавфсизлигини таъминлаш, фуқароларнинг ор-номуси, қадр-қиммати ва қонуний манфаатларини ҳуқуққа зид тажовузлардан ҳимоя қилиш масалалари кўриб чиқилди.

Шу нарса таъкидлаб ўтилдики, «Ўзбекистон Республикасида жамоат бирлашмалари ҳақида», «Ўзбекистон Республикасида қорқоналар тўғрисида», «Ўзбекистон Республикасида кооперация ҳақида» қабул қилинган қонунлар фуқароларнинг ижтимоий, иқтисодий ва маънавий эҳтиёжларини таъминлаш учун замин яратди. Бу қо-

нулар фуқароларнинг фаровонлигини оширишга ҳамда уларнинг ҳуқуқлари ва қонуний манфаатларини ҳимоя қилишга қаратилган.

Бироқ ана шу қонунларнинг мақсад ва вазифаларига мос келадиган қорқоналар, кооперативлар пайдо бўлиши билан бир қаторда давлат тасарруфидан бўлмаган турли хусусий қидирув ва бошқа тузилмалар ташкил этилмоқда. Улар бажарадиган вазифалар қонунларда фақат ҳуқуқни муҳофаза қилиш органларининг вазифасига киритилган. Фуқароларнинг суҳбатларини махфий эшитиладиган ва ёзиб оладиган қурилмаларни ишлаб чиқа-

рувчи кичик қорқоналарни ташкил этишга уриниш ҳоллари учраб турибди.

Якка курашнинг жанговар ва Шарқ турлари усулларини ўргатадиган кўпдан-кўп клублар (секциялар) кенг ривожланди. Уларнинг таркибига ўзларининг жинсий фаолиятини янгилаш учун ана шундай клублардан фойдаланаётган турли жиноятчи унсурлар суқилиб кирмоқда.

Давлат тасарруфидан бўлмаган ва ҳуқуқни муҳофаза қилиш органларининг вазифаларини бажарадиган ана шу тузилмалар фаолиятининг пайини қирқинч ҳамда якка курашнинг жанговар ва Шарқ турлари усулларини ўргатадиган спорт клублари (секциялари) ишнинг тартибга солиш, жамоат хавфсизлигини, фуқароларнинг ҳуқуқлари ва манфаатларини таъминлаш мақсадида тегишли давлат органларига бир ой муддат ичида қонунга хилоф равишда иш олиб бораётган ана шундай тузилмаларни рўйхатга олиш ва уларнинг фаолиятини таъқиқлаш вазифаси топширилди.

Мава, ўлкамизга кўркям ва нафосатли баҳор кириб келди. Истиқдолга эришган халқимиз уйғониш фаслига етиб олганларига шукроналар айтишмоқда. Милиция ходимлари эса ҳамон серташвиш. Чунки жиноятчиликнинг ҳамон авжи баланд.

Тошкент шаҳар Ленин тумани ички ишлар бўлими ходимлари ҳам айни қуиларда ўз вазифаларини сидқидилдан бажаришга ҳаракат қилишмоқда.

СУРАТДА: Ленин тумани ИИБнинг навбатчилик қисми бошлиғи милиция майори Геннадий Олейник ходимлар билан иш юзасидан маслаҳатлашмоқда.

А. НАЙМУШИН олган сурат.

ФАОЛЛАР ЙИҒИЛИШИ...

Наманганда вилоят фаолларининг йиғилиши бўлди. Йиғилиш қатнашчилари жиноятчиликка қарши курашни кучайтиришга, қонунийлик ва ҳуқуқ-тартиботни мустақамлашга алоқадор вазифаларни муҳофаза қилдилар. Вилоят прокурори Х. М. Собиров мазкур масала юзасидан ахборот берди.

Йиғилишда Наманган вилоят ҳокими Б. Рашидалиев, республика прокурори В. М. Мустафоев, ички ишлар вазири З. А. Алматов сўзга чиқдилар.

Йиғилишда Ўзбекистон Президентининг давлат маслаҳатчиси Т. А. Алимов қатнашди.

ЎТГАНЛАР РУҲИ ШОД БЎЛСИН!

МАНГУ АРМОН

(ВОЛИДАИ МУҲТАРАМАМ ҲОЖИВИБИ ТҲҲТА
ҚИЗИНИНГ ПОРЛОҚ ХОТИРАСИГА
БАҒИШЛАЙМАН)

Энди менинг бу дунёда яшамоғим қийиндир,
Гулдек умрим, ёш вужудим — яшн урган қайиндир,
Сўнгги дам ҳам армон билан кетмоғим тайиндир,
Энди асло мен ўзимга келолмагум, онажон,
Сўнгги дамда ёнингизда бўлолмадим, онажон!

«Ҳеч хавотир олма мендан, сонпа-соғман, болажон,
Икки энлик хат жўнатил фақат етиб борган он!» —
Дея мени жўнатдингиз, бошим силаб бедармон,
Мактуб ёздим, аммо жавоб ололмадим, онажон,
Сўнгги дамда ёнингизда бўлолмадим, онажон!

Адашдими ҳамшира қиз, ё кўр тақдир адашди,
Энг ҳақ маъво фалак бўлса, фалак ҳам бир адашди,
Муносибнам, умрингизда қай бир таъбир адашди?!
Увоҳ, нечун бундай бўлди, биллолмадим, онажон,
Сўнгги дамда ёнингизда бўлолмадим, онажон!

Оҳ, шум қисмат, золимлигинг айт, бундан ҳам ўтарми?
Фарзанд бемор онасини ҳам ташлаб олис кетарми?
Бир мен билан бу дунёнинг ташвишлари битарми?!
Сиз зор бўлиб кўз тутган дам келолмадим, онажон,
Сўнгги дамда ёнингизда бўлолмадим, онажон!

Ииллар ўтар... Қабрингизда унгай гулгуи чечаклар,
Соғинчларим мени ҳар тонг шу масканга етаклар,
Сизни кўнсаб, юрагимга ялашгайдир чечаклар,
Улар чоғ ҳам мен тинчгина ўлолмагум, онажон,
Сўнгги дамда ёнингизда бўлолмадим, онажон!

Зирилла НЕЪМАТОВ,
мулиция катта лейтенанти.
Бухоро.

СЎЗ КЕТИДАН СЎЗ КЕЛУР

ҚИРҚ ЙИЛДА БИР ЙИГИТ КЕЛАР ДУНЁГА

Мен доим жиноятчилар билан кескин курашаётган осойишталик посбонларига тасаннолар айтаман. Улар оиласи бахтига доим омон бўлишларини худойимдан тилаб ўтираман. Ҳаёт бир текисда, осойишта кетавермайди. У ҳар хил қийинчиликлар, муаммолар ва фожиалардан иборат. У биз хоҳлаган мақомда айланмайди, бўлмасам, ўша имонсиз, ёвуз қотил Вали Ғофуров қўқонлик милиция ходими Раҳматжон Миртожиевнинг умрига зомин бўлармиди? Мен буни ўқиб, сизлар ва унинг сафдошлари каби куйиб кетдим. Ахир, бир йигит қирқ йилда дунёга келади-ку. Эсиз, эндигина 41 баҳорни қаршилаган экан, бизнинг ҳам-

касб экан. Нима учун ўқитувчилик қилиб юравермади, деб афсусландим. Унинг умри бевақт ҳазон бўлганидан қайғурдим. Мен ҳаётимда кўп учратдим эрта кетган йигитларни, милиционерларни. Чунки ўшалар орасида яшайман. Уларнинг масъулиятли ишларини, тиним билмас меҳнатларини яхши тушунаман. Истагим: энди уларнинг умри завог тоғмаса. Раҳматжоннинг бевасита, фарзандларига худо сабртоқат, тўзим берсин. Начо-ра ўлим ҳақ. Марҳумнинг ҳам умрини фарзандларига берган бўлсин.

Норхол ҚУРАМАТОВА,
Жиззах шаҳри.

1987 йил сентябрь ойида хоразмлик йигит Жабборберган Бекчинов Тошкентдаги ўрта махсус милиция мактабинини аъло баҳолаб тугатиб, милиция лейтенанти унвонини олди. Юртига бориб ота-онаси бағрида бир ой ҳордиқ чиқаргач, Республикаимиз ички ишлар вазирлиги йўлланмасига асосан қўшни Бухоро вилоятининг ички ишлар бошқармасига йўл олди.

У ерда ёш лейтенантни яхши кутиб олдилар. Жабборберган синов суҳбатидан, текширувдан муваффақиятли ўтди, ходимлар унинг билимдонлиги, меҳнатсеварлиги, чаққонлиги ва истеъдодига тегин бердилар. Ва шаҳримизнинг Файзулла Хўжаев тумани ички ишлар бўлимига юборилди.

Бўлимимиз раҳбарияти уни эски шаҳар ҳудудларидан бирига участка вакили қилиб тайинлади.


У иш бошлар экан, қисқа

вақт ичида маҳалла қўмитаси раислари, ходимлари, халқ билан танишди, уларга таянган ҳолда ҳуқуқбузарликка, қарши кескин кураш олиб борди ва бу ерда тартиб ўрнатди, содир бўлиб турган жиноятлар сонини бирмунча камайтирди. Шахсан ўзи бир қатор жиноятларни фот этди. Ҳуқуқбузарлиқнинг, жиноятчиликнинг олдини олишда участка вакиллари ўртасида пешқадамлик қилиб, кўрсаткичлар жадалидан юқори поғоналарни эгаллаб турди. Раҳматжоннинг томонидан бир неча марта моддий ва маънавий жиҳатдан рағбатлантирилди яхши хизматлари учун. Жамоат ишларида актив қатнашди, бўлимимизнинг ҳурмат эътиборига сазовор бўлди.

Кўпчилик ДАН, ИЖК, участка вакилини яхши билади. Қолганларни оддий қилиб «мелиса» деб аташади. Жумҳуриятимиз ички ишлар вазирлигининг жойлардаги бошқарма ва бўлимларида эса кеча-кундуз жамоат тартибини кўриқлаш вазифасини бажарувчи пост-патруль хизмати бўлаклари бор. Улардан интизом ҳарбий низоми бўйича талаб қилинади. Бонси?

Бонси, бу хизмат ходимлари тартиббузар, чайқовчи, безори, ароқхўр, ўғри, киссавур билан, талончи, қотил ва бошқа хавфли жиноятчилар билан биринчи бўлиб юзма-юз келишади. Аксарият улар ғолиб чиқади. Баъзан... Ахир, орқандан келаётган шахснинг нияти, қўлида пичоғи ёки қуроли борлигини билмайсанку?

Бироқ пост-патруль хизмати ходими бунимумкин қадар билиши лозим.



Наманган вилояти ички ишлар бошқармаси пост-патруль хизмати ротасининг милиция капитани Раҳматилло Мамаев бошчилик қилаётган эвазди ходимлари билан танишар эканмиз, улар хизмат бурчларини Фарғона, Андижон, Паркент, Тошкент шаҳрида ҳам ўтаганларини эшитдик.

Бу ерда хизмат қилаётган йигитларга осон бўлаётгани йўқ. Кечани кеча, кундузни кундуз демай халқ осойишталиги йўлида елиб-югуришаётгани майлику-я, уларнинг баъзилари мана шу йўлда ҳаётдан кўз юмишди.

...1985 йил 6 декабрь. Наманган шаҳридаги темир йўл вокзали. Ҳарбийга чақирилганларнинг хавфсизлигини таъминлаб турган милиция катта сержанти Қодиржон Тожибоевни маст ҳайдовчи бошқарган машина уриб юборди. 1986 йил апрель ойи милиция сержанти Мадамин Саматов йўл-улов ҳодисасида оламдан кўз юмди.

1989 йил 5 февраль. Милиция старшинаси Аҳмаджон Мансуров уйдан 400 метрча нарида фожиали ҳалок бўлди. Хабарни эшитган 73 ёшли она қорни ялангоёқ босиб келганини сезмади ва қон йиғлаганича боласи устига ўзини отиб, ҳушидан кетди.

1990 йил 3 май кунини милиция старшинаси Машраб Мўминовни жиноятчилар калтаклаб ўлдиришди.

Уларнинг турмуш ўртоқлари вояга етмаган 3-5 нафар болалари билан бева қолдилар. Тўрақўрғон тумани ички ишлар бўлимининг пост-патруль хизмати ходими милиция катта сержанти Аҳмаджон Уролов бетоблигини, бир марта бериладиган ҳаётининг сўнгги кунларини кечираётганини билиб-билмасида, 1989 йил Фарғонадаги фожиали дамларда ёрдамга борадиган ходимларнинг сафига турди.

— Балки даволанганинг яхшидир, — деди унга гуруҳ бошлиғи милиция капитани Каримжон Ҳамроқулов.

— Йўқ, кейин... — деди қатъий Аҳмаджон. — Уша жойда қийналсада, постга чиқишни давом эттирди, — дейди К. Ҳамроқулов, — уйга жавоб бердим. Кетмади. Ажойиб йигит эди.

Қайтгач, оҳ, охирги нафасигача элим деган ходим етти кундан кейин шифохонада вафот этди. «Оққон бўлган экан», — дейишди табиблар. Бир йил олдин Аҳмаджоннинг хотини ҳаётдан кўз юмганди... 4 бола билан қолганди.

Жанговар дўстимизнинг оилавий ҳаёти билан танишар эканмиз, инсон пўлати темирдан-да чидамли эканлигини яна бир бор ҳис қилдик...

— Икки йил муқаддам ўғлимнинг оназоридан ажрагандик, — деди Ҳасанбой ака. — Хотиним ҳам 1-гуруҳ ногирони эди, чидадим. Аммо ўғлимнинг ўлими мени бутунлай тўшакага ётқизишди кўйди... Ўзим 11-гуруҳ ногиронман. «Шарқ Юлдузи» жамоат хўжалиги аъзоси эдим, пахта пунктида той кўтариб, машинага юклардим. У вақтда техника йўқ эди. Майиб бўлдим. Уч марта жарроҳ хонтахтасида ётдим. Яна қайтарамиз дейишяп-

УЛАРНИ «МЕЛИСА» ДЕЙИШАДИ

ти... Яхши, набираларим кўнглимни кўтариб туришади.

— Сиздан кимлар хабар олаяпти?
—...Ўғлимнинг дўстлари — Тўрақўрғон ИИБдан майор Алижон Мирзаев бошлиқ бирга хизмат қилганлар хабарлашиб туришади. Аввалги йил набираларимга кийим-кечак, 250 сўм пул, мезачеа қилиб келишди. Биламан ўзлари пул тўлаб... Алижоннинг ғамхўрлиги бўлса керак. Ички ишлар вазири ажратган пулдан 2000 сўм беришди. Унутмайман. Раҳмат. Бироқ...

— Ҳа, отахон, айтаверинг...
— Мелиса кийимдаги ходимни кўрсам, ўзимни тутиб туролмайман... — отанинг кўзидан ёш оқди... — дарров ўғлимни кўз олдимга келтир-ман.

— Раҳбарлар ҳам Сиздан хабар олишадики?
— Улар учун биз одам эмасмиз, ўғлим. 1989 йили маҳалла қўмитаси раиси: «Сиз ижтимоий таъминотдан машина олишга ҳақлисиз, ариза беринг», — деб маслаҳат солди.

1989 йилнинг декабрида мен Ўзбекистон Республикаси Вазирлар Кенгаши раиси М. Мирсаидовга хат билан мурожаат қилдим. Шу сабабли вилоят, туман ижтимоий таъминот раҳбарлари югуриб келишди. «Бўлди, Сизга машина берамиз», — дейишди... Ҳа, дейишди холос. Туманинг раҳбарларига киравериб чарчадим. Энди боргани мадорим ҳам йўқ. Кечдим ўша машиналаридан. Укаларига, қариндошларига беришин... Розиман.

Эҳ, ўзбегим, иродаси ўтда куймайдиган, сувада чўкмайдиган, довулда учмайдиган ўзбегим, чида, яна чида... Сен орзу қилган кунлар ҳам келади...

Дўстлар собиқ хизматдошларини унутишмаган, ўз ҳисобларидан ёдгорлик ўрнатдилар. Хотира, милиция кунлари, албатта, маошларидан йиғишиб оз бўлсада, у-бу нарса олиб, уларнинг оилаларини йўқлаб туришади. Бу рота ходимларига одат тусига кирган.

Неъматжон МАМАЖОНОВ,
СУРАТДА: милиция старшинаси Аҳмаджон Мансуров қабри ёнида.

Э С Л А С А М...

Шуларни ҳисобга олган ҳолда уни катта участка вакили қилиб тайинладилар, эндиликда у 2-3 участка вакилига бошчилик қилди. Қанча қийинчиликлар бўлмасин, ҳаммасига бардош берди, енгди. Ўзига бириктирилган участка вакиллари билан ҳамжиҳатликда иш олиб бориб, уларга билганларини ўргатди.

Катта тажрибага эришган, ўз ишининг моҳир устаси, ҳаммамиз учун моҳирбон бўлган катта участка вакили Ж. Бекчинов 1990 йил бўлимимиз ходимлари билан бир-ма-бир хайрлашиб, уч йиллик хизматдан кейин ўз она юрти — Хоразм вилоятининг Гурлан туманига катта участка вакили бўлиб кетди. Аммо бир-бирларига ака-укадек ўрганиб қолган ходимларимиз

унга тез-тез сим қоқиб туришар эдилар.

1991 йил 4 июль кунини Хоразм вилояти ички ишлар бошқармасидан: «Катта участка вакили милиция катта лейтенанти Жабборберган Бекчинов транспорт ҳалокатига учраб, ҳаётдан кўз юмди», — деган маъшум хабар келди. Бунини эшитган ҳар бир ходимимиз ич-ичидан куйинди, ғамга чўкди.

Жабборберган ҳали-ҳали кечагидек ёдимизда, ходимларимиз уни давраларда, йиғилшларда, гурунларда ҳамма вақт эсга оладилар. Унинг кулиб турган чеҳраси, оппоқ юзлари ҳали-ҳали кўз олдимиздан кетмайди. Эсласам, тўйиб-тўйиб йиғлагим келади. Унинг хотираси бизларнинг қалбимизда, юрагимизда, дилларимизда абадий бўлиб қолади. Дўстлари бор экан, у ҳеч қачон унутилмайди.

Б. БОБОЕВ,
милиция капитани.

ХАЙР-ЭҲСОН

Октябрь тумани ИИБ ходимлари марҳум сафдошларининг хотираларини қўрқур эслаб туришади. Яқинда бўлиб ўтган бўлим зобитларининг йиғилишида бир қуялик иш ҳақи ҳисобидан 2.600 сўмдан анёд пулни ҳалок бўлган ёхуд вафот этган милиция ходимлари оила аъзоларига ёрдам кўрсатиш учун ажратилишга қарор қилинди.

Шуниси диққатга сазоворки, хайр-эҳсон кўрсатишдан бирон-бир зобит ўзини четта тортмади.

А. ШОДИЕВ.

ҲАМКОРЛИКНИНГ КЕЛАЖАГИГА ИШОНАМАН

Кейинги пайтда собиқ иттифоқнинг улкан ҳудуди бўйлаб сиёсий вазият ўткирлашиб бораётганидан беҳабар одам қолмади ҳисоб. Бирор кун йўқки, кескинликнинг янги ўчоғи пайдо бўлгани ҳақида дарак топмасан. Унинг гирдобига эса тинч аҳоли ҳам, армия қисмлари ҳам, шунингдек, ички ишлар идоралари ҳам тортилмоқда. Хавфлиси шундаки, жамият, иқтисодиёт, миллатлараро муносабатлардаги нотинчлик тобора куч йиғайтган ранг-баранг жиноят оламига, уюшган жиноятчиликка жуда қўл келмоқда.

Мана шулардан келиб чиқиб, жиноятчилик билан кураш ва фуқароларнинг ҳуқуқлари ҳамда эрклари ҳимоя қилишни таъминлаш соҳасида ўзаро ҳамкорлиқни ривожлантириш мақсадида март ойи ўрталарида Минск шаҳрида МДХ қатнашчилари-давллатлари ички ишлари вазирлари йиғилиши бўлиб ўтди. Ўзбекистон Жумҳуриятининг бу борадаги нуқтаназарини ички ишлар вазирининг биринчи ўринбосари милиция генерал-майори Гафур Раҳимович Раҳимов баён этди. Мухбиримиз у кишидан йиғилиш ҳақидаги фикр-мулоҳазалари билан ўртоқлашишни сўради.

— Гафур Раҳимович, маълумки, ички ишлар идораларининг алоқалари иттифоқ тарқалиб кетганига қарамасдан узилиб қолгани йўқ. Минск йиғилишидан сўнг ўзаро ҳамкорлик янги босқичга кўтарилганига ишонса бўладими?

— Дарҳақиқат, биз бир-биримиздан юз ўтирганимиз йўқ. Бироқ бугун гап ўзаро ҳамкорлиқни текис изга тушириш ҳақида бораётимиз. Минск учрашувида бунинг ҳуқуқий пойдеворини кўтаришга ҳаракат қилдик. Ахир, тобора паллак ёзаётган жиноятчиликка яккама-якка бас келиш мумкинми?! Қанчалик самимий бўлмасин, фақат яхши истаклар бил-

дириш билан амалий ҳамкорлиқни йўлга қўйиш, кейинчалик унинг ривожига умид боғлаш мумкин эмас.

Йиғилишнинг ҳолати йўқ. Биз тугатилган иттифоқ ИИБ қиёфасида фақат минг хил кўрсатма ва текширишлар билан ҳаддан зиёд ҳомийлик қилган идорадангина эмас, балки бизга айрим томондан керак бўлган ва ҳозирда эҳтиёжи сезилаётган маҳкамадан ҳам ажралдик. Мувофиқлаштирувчи идора йўқлиги туфайли кўпгина масалалар ўз ечимини топмай қолмоқда.

Йиғилиш қатнашчиларида мияга чуқур сингиб кетган «марказ» тушунчасидан чўчиш касаллиги билан изоҳланадиган хавфсираш сезилиб турди. Бироқ ақл-идрок ҳозирги кунда қандайдир ишчи идораси тузиш зарурлигини айтиб турибди. Бу масала бўйича вазиримиз милиция генерал-майори Зокиржон Алматов бир неча бор давлатлараро йиғилишларда эътиборга лойиқ тақлифлар киритганди. Балким у вакиллар Кенгаши, техник котибият, бюро, деб номланар, гап бунда эмас, балки жумҳурият мустақиллиги ва манфаатларини ҳурмат қилишда. Худди шу масала олдинроқ Минскда йиғилган экспертларнинг бир тўхтама келишига ров солганидан хабардор эдим.

— Вазирлар учрашувида силжиш юз бердими?

— Йиғилишда мустақил давлатлар ички ишлар вазирликларининг жиноятчилик билан кураш соҳасида ўзаро ҳамкорлиги тўғрисидаги Битим лойиҳаси, йиғилиш баённомаси қабул қилинди. Баённомада маслаҳат органи — ички ишлар вазирлари йиғилиши, шунингдек, давлатлараро ахборот маркази тузиш кўзда тутилган. Бу энди қалин ўзаро ҳамкорлик сари ташланган амалий қадамдир. Унинг аҳамиятини шу нарса кўрсатиб турибдики, МДХга кирган тўққиз давлатдан ташқа-

ри йиғилишда вакиллари кузатувчи сифатида қатнашган 3 та Болтиқбуйи мамлакатлари ҳам ҳужжатларга имзо чекишди.

— Гафур Раҳимович, қизиги шундаки, жиноят олами унга қарши курашаётган кучларга қараганда тезроқ тил топишди...

— Очигини айтишим керак, атрофини ўраб турган муҳитдаги арзимас ўзгаришларни ҳам вақтида пайқайдиган ва унга тўла мослаша оладиган жиноятчилик қобилиятидан ўрнат олса арзийди. У худди ботқоқ лойқаси сингари тўқисликдан йироқ қонунчилигимиздаги бўш жойларни ақл бовар қилмайдиган тезликда тўлғазади. Унинг учун илгари чегаралар очилди, ҳозир ҳам. Чунки «кўчманчи жиноятчилар» учун мустаҳкам тўсиқ қўядиган ҳуқуқий ровнинг ўзи йўқ.

— Фикрингизнинг тасдиғи сифатида мисоллар келтириб ўтсангиз.

— Масалан, жумҳуриятдаги жиноят олами Кавказорти ва бошқа минтақалар билан мустаҳкам алоқа ўрнатган. Жиззах шаҳридан ўғрилган қурол хашпаш дегунча низоли ўлкаларга тарқалди, бир қисми эса ҳатто Польша чегарасини кесиб ўтди.

Шу йил бошида эса темир йўлнинг Бухоро бекатида доғистонлик ички киши ушланиб, улардан 98 та жанговар граната, 1200 дондан кўпроқ ўқ, тутун-тарқатиш мосламаси, анча миқдорда пул, наркотик моддалар топилди. Уша ерда сал кейинроқ кемеровик радиоустаси қўлга тушди. Меҳмоннинг қурол-яроғи кишини ҳайратга солади. У тўртта қўл пулемёти, 12 та граната, кўплаб граната чақмоғи, ёритувчи ва хабар берувчи мушаклар, ўқлар олиб кетаётган экан.

Мана яна бир ғазабни кўзгатадиган мисол. Ресторан директорларидан бири Ўзбекистон тумани матлубот жамиятлари уюшмаси раиси ўрнини эгаллаш учун то-

жикистонлик ёлланма қотилга 100 минг сўм ваъда қилди. «Мутахассис» буюртмани бажарган.

Тошкент вокзалида ўш виллоятилик киши тўхтатилди, чунки юки «оғир» эди. Милиция ходимлари у 8 килограммга яқин наشا билан бораётганини сезиб қолишганди. Туркменистонлик чақирилмаган меҳмон эса бир килограмм қоратори билан қайтаётган экан. Қолбуки, маълумотларга қараганда, қўшни жумҳуриятда ҳам бундай заҳар-заққум кам эмас. Булар шунинг кўрсатмоқдаки, самарали ҳамкорлик орқалигина тўсиқ билмас жиноятчилик билан муваффақиятли курашиш мумкин.

Фақат кейинги икки йил ичида жумҳуриятимиз ҳудудида дайдилик билан шуғулланиб юрган 24 мингдан ортиқ шахс ушланди. Уларнинг 41 фойздан зиёди Россия Федерациясидан келган. Дайдилар ичидан кўплаб жиноят содир этиб, муқаррар жазодан қочиб юрганлар бор. Демак, бу борада ҳам ҳаракатимиз мувофиқлаштириш зарур.

1992 йилнинг ўзидаёқ Ўзбекистон ҳудудида собиқ иттифоқнинг турли жумҳуриятларида яшайдиган 20 киши жиноят содир этганлиги учун ушланди. Бизнинг айрим «саёхатчилар»имиз ҳам қўшни жумҳуриятлар тинчлини бузмайпти, деб бўлмайди.

— Гафур Раҳимович, милиция фаолияти ҳар доим кўпчилиги эътиборида туради. Гап бошқа жумҳуриятлар ҳақида бораётган экан, ўзбек милициясини уларникига солиштирганда, нима кўзга ташланади?

— Мақтаниш эмас-у, ўзбек милицияси вазифасини бир мунча дуруст ўтаётгани сезилади. Буни рақамлар ҳам кўрсатиб турибди. Келинг, яхшиси икки ойлик асосий кўрсаткичларимизни Россия Федерациясидаги вазият билан таққослайлик.

Шу йилнинг ўтган икки ойи мобайнида жиноятчиликни очиб Ўзбекистонда 69,1 фойз (ўтган йилнинг

худди шу муддатида — 62,2 фойз)ни ташкил этди. Россияда бунинг аксиники ойда 41,3 фойз (44,5 фойз) жиноят очилган. Яъни кўрсаткич ёмонлашган. Агар жиноят қидирув йўналиши бўйича юз берган жиноятларни олсак ҳам, ходимларимиз меҳнатининг салмоғи яққол кўринади. Бир йил давомида бизда жиноятни очиш 49 фойздан 57,7 фойзга өтди, Россияда эса 34,4 фойздан 36 фойзга кўтарилди. Келтирилган рақамлар Ўзбекистонда жиноятчилик билан кураш яхшироқ йўлга қўйилганлигидан далолат бермоқда.

Бироқ ҳали кундалик ишимизда камчиликлар кўп. Ҳамма виллоятларда ҳам ахвол кўнгилдагидек, деб бўлмайди. Қатор жиноятлар очилмай қолмоқда. Фуқароларга етарлича хизмат кўрсатилмаяпти. Яқинда бўлиб ўтган ҳайъат йиғилишида бу масалалар кун тартибининг марказига қўйилди.

— Олдиндан бир нарса айтиш қийин-у, ички ишлар идораларининг давлатлараро ҳамкорлиги келажаги ҳақида нима дейсиз?

— Ҳамкорлиқнинг келажаги яхшилигига ишонаман. Битим лойиҳасида мустақил давлатларнинг жиноятчилик билан кураш соҳасидаги ўзаро ҳамкорлиги асосларини уларнинг мустақиллиги ва тенгҳуқуқлиги, бир-бирига кўмаклашиши ва ўзаро манфаатдорлиги принциплари белгилаб бериши таъкидланган. Муҳими шунда.

— Битим аҳамияти ҳақида гап очдингиз. Ҳўш, у қачон ва қаерда имзоланади?

— Ички ишлар вазирлари уни имзолаш ваколати берилишини сўраб ўзларининг давлат ёки ҳукумат бошлиқларига мурожаат қиладилар. Албатта, тегишли ваколат қўлга киритилгач. Балким уни Олмаота шаҳридаги навбатдаги учрашувда имзолаш мумкин бўлар. Бу қанчалик тез бўлса, жиноятчилик билан курашга шайланган ҳуқуқ-тартибот ходимлари шунчалик кўп ютишади.



1992 йил 13 март кунин Минск шаҳрида МДХ қатнашчилари-давллатлари: Озарбайжон Жумҳурияти, Арманистон Жумҳурияти, Беларусь Жумҳурияти, Қозогистон Жумҳурияти, Қирғизистон Жумҳурияти, Молдова Жумҳурияти, Россия Федерацияси, Тожикистон Жумҳурияти, Ўзбекистон Жумҳурияти, шунингдек, Латвия Жумҳурияти, Литва Жумҳурияти ва Эстония Жумҳурияти ички ишлари вазирларининг йиғилиши бўлиб ўтди.

Йиғилиш ишида Беларусь Жумҳурияти Вазирлар Кенгаши Раисқ В. Ф. Кебич иштирок этди.

Йиғилиш қатнашчилари кўпгина мустақил давлатларда ҳуқуқбузарлик аҳоли мураккаблашишда давом этаётганини, бу ижтимоий-сиёсий ва иқтисодий вазиятнинг ёмонлаштирувчи омилга айланаётганини кўрсатиб ўтишди.

Мустақиллик гоёси ва асосларига тарафдорликларини таъкидлашган вазирлар ички ишлар идоралари ўртасидаги олдиндан мавжуд алоқаларни сақлаш ва ўзаро ҳамкорлиқнинг янги механизмлари билан чиқиш зарурати ҳақида яқдиллик билан фикр билдиришди.

МУСТАҚИЛ ДАВЛАТЛАР ИЧКИ ИШЛАРИ ВАЗИРЛАРИ ЙИҒИЛИШИНING БАЁННОМАСИ

Йиғилишда ички ишлар вазирларининг жиноятчилик билан кураш соҳасида ўзаро ҳамкорлиги ҳақидаги Битим лойиҳаси муҳокама этилди ва маъқулланди.

Ички ишлар вазирлари уни имзолаш ваколати берилишини сўраб ўзларининг давлат ёки ҳукумат бошлиқларига мурожаат қилишлари ҳақида келишиб олинди. Қатнашчилар маслаҳат органи — ички ишлар вазирлари йиғилишини тузишнинг ёқлаб чиқишди.

Навбатдаги йиғилиш мажлисини у ўтадиган жой эгаси таъйёрлаш мақсада мувофиқ топилди.

Ахборот алмашишни ўзаро ҳамкорлиқнинг бош йўналишларидан бири ҳисоблаган ички ишлар вазирлари давлат-

лараро ахборот жамғармаси тузиш ҳақида қарор қабул қилдилар. Тегишли хизматларга 3 ой муддат ичида жамғарманинг фаолият кўрсатиши ва уни шериклик иштироки шаклида маблаг билан таъминлаш тартибини ишлаб чиқиш топширилди.

Навбатдаги йиғилиш мажлиси Қозогистон Жумҳурияти ички ишлар вазирлиги тақлифига мувофиқ Олмаота шаҳрида бўлиб ўтиши ҳақида келишиб олинди.

Ички ишлар вазирларининг учрашуви тўла яқдиллик, амалий ҳамкорлик руҳида ўтди ва ички ишлар идоралари фаолиятига онд асосий масалалар бўйича фикрлар ўхшашлигини кўрсатди.

Озарбайжон Жумҳурияти ИИВ
Р. МАМЕДОВ
Арманистон Жумҳурияти ИИВ
Г. АМБАРЦУМЯН
Беларусь Жумҳурияти ИИВ
В. ЕГОРОВ
Қозогистон Жумҳурияти ИИВ
М. БЕРСЕНОВ
Қирғизистон Жумҳурияти ИИВ
В. БАЛИКИН
Молдова Жумҳурияти ИИВ
В. КАТАН
Россия Федерацияси ИИВ
В. ЕРИН
Тожикистон Жумҳурияти ИИВ
Ш. ХАЙРУЛЛАЕВ
Ўзбекистон Жумҳурияти ИИВ
Ғ. РАҲИМОВ
Қўйндагилар номидан:
Латвия Жумҳурияти ИИВ
З. ЧЕВЕРС
Литва Жумҳурияти ИИВ
З. ВАЙТКЕВИЧЮС
Эстония Жумҳурияти ИИВ
Р. ПОЛИМАН

[Минск, 1992 йил 13 март]

Шанба учрашувлари

ТОНГ БЎЛИБ КИРДИЛАР БУ ТУНГА

Рўзноманининг бугунги меҳмони — ёш, иқтидорли шоир Салим Ашур. 1964 йилда туғилган. Қашқадарёлик. Илк шеърлари 1977 йили матбуот саҳифаларида чоп этилган. «Гулистон», «Шарқ юлдузи», «Сирли олам», «Ҳаёт ва иқтисод» ойнмаларида ва бошқа бир қанча вақтли матбуот нашрларида эълон қилинган мақола ва шеърлари орқали муштарийларга яхши таниш. Айни кунларда «Саодат» ойнмасида ижтимоий-сиёсий бўлим мудир вазифасини «банд» қилган.

Бугун сиз Салим Ашурнинг қуйида берилаётган туркум шеърларини ўқиб, ишончимиз комилки, баҳор, гўзаллик, нафосат исини туйгандек бўласиз.

ҲАМАЛ

Капалакнинг аробасида
Сузилади келин — бойчечак.
Қўнғироқлар қиқирлайдилар,
Чумолилар чалади чапак.

САВР

Ғимирлайди қалбда бир нима,
Оёққа туради ҳисларнинг.
Кўзларига адаштиради,
Кўз остига олган қизларнинг.

ЖАВЗО

Қарай-қарай қиз кўйлагига
Қоқиғулнинг сочи оқарди.
Юлиб-юлиб тўзғитди шамол
Сочларини...

САРАТОН

Бошоқларнинг кўраги бўлиқ,
Калтакесак куйлайди: таҳ-
чаҳ,

Қурбақанинг бақбақасида
Ютилмаган бир қултум
фараҳ.

АСАД

Атиргулнинг атирларини
Ичиб-ичиб тўймаган илон,
Кўйлагини еча бошлади,
Баданига лаб босди осмон.


ҚОҚИГУЛ

Иссиқ кулча — тилла саватли
Хипча белим, наврас

Кўзларимда унган ҳайратни
Олтин киприқларинг билан юл.

Қўлларимдан тут — томирларим
Ҳароратдан ёрилса — қўнай.

Момоқаймоқ — тўзғиб сирларини
Лабларингга қўшдай қўнай,



Бошингдаги тожинг

муборак!

Сочларингга қўлим етсайди!

Эламаган — эй, олтин элак!

Соянг қўшдай руҳида дайди.

Эй, қўёшнинг қизи, тилингни

Тилларимда этолсайдим шарҳ,

Юрагимдай, ер қозигига

Занжирланган эй, осмоний шар.

УРИК ГУЛЛАРИ

Оқ юлдузлар бармоққа тақиб
Ва боққанча оппоқ очунга,

Бу чиройли, бу жим ўриклар

Тонг бўлиб кирдилар бу тунга.

Дарахтларинг баданларидан

Хаёлларим бўйлиб рангга,

Оқ ўрикдай кириб бордилар

Ерга тўшалаётган тонгга.

КЎЗЛАР ТҮЯРМИКАН?..

«ХАЛҚНИ ОЧЛИК ЭМАС, ОЧКЎЗЛИК УЛДИРАДИ».

(Абу Али ибн Сино)

Хизмат юзасидан кўп жойларда бўлишга тўғри келади. Турли феъл-атворли одамлар орасида юраман. Яхшилар билан гурунгимиз дилкаш ўтади, ёмонлар билан файзсиз.

Гоҳида одамни ўйлатадиган воқеаларнинг гувоҳи бўлман. Бугун шундай кечинмалардан бир-иккитасини сизнинг эътиборингизга ҳавола қилишни лозим топдим.

«ҲАММАСИ МЕНИКИ»

— ...Менга қара, қизим, сен Равшанжондан анча каттасан. Унинг ўйинчоқларини ҳадеб тортиб олавермагин, хўпми?
— Хўпмас. Ўйинчоқлар меники, ҳаммаси меники..
Бир қарашда боғчадаги бўлиб ўтган бу суҳбат арзimasдек, аҳамиятсиздек туюлиши мумкин. Лекин фарзанд шу руҳда камолга етса-чи?

таниш аёлга кўзим тушди. Қўлида бир шиша ароқ. Саломлашдим.

— Ҳа, онахон, бахайр?

— Магазинга нарса кепти дейишса, чопиб кепман. Қуриб кетгур, мановундан экан. Менгаям беришди.

— Нима қиласиз бунини?

— Обориб қўюврайчи. Тўй-пўй қилсак, яраб қолар.

Дўкондагилардан биттаси аёл узоқлашгач, луқма ташлади:

— Тўй қилармиш. Сотадилар. Жуда қаттиқ кампир. Биттасига юз сўм сўрайди...

АНАСИГА ИЛНИБДИ

Тўрт қоп унни аравачали мотоциклга юклаётганлар мени кўриб қўзлари гап қотишди:

— Ёзда ун камаярмиш, дейишувди. Ун қопгина олиб қўйгандик. Икки қопини еб тугатдик. Қолгани ачиб қолибди, митаям тушибди.

— Энди нима қилмоқчи-сизлар?

— Қишлоқдаги акамга юборайман. Болалари кўп. Еворишар. Унга зориқиб туришувди...

«ЗИЁФАТ БИЗДАН»

— Килосига беш сўмдан сўраганида бермовдим. План ун сўмдан эди-да. Мана, энди ярми чириб, ярми кўкариб кетди. Биров бир сўмга ҳам сўраб келмапти. Жон ука, мабодо пиёфуруш оғайниларингиз йўқми? Ахир, ун тонна-я! Илтимос. Зиёфат биздан. Сабзи сўраганларгаям топанмиз. Қумга кўмиб қўйганман. Ун беш тонна...

БИТТАСИГА ЮЗ СЎМ

Қишлоқ дўконидан чиқиб келаётган кекса ёшлардаги.

Тўхтасин МИРЗАРАҲМАТОВ, милиция капитани.

ҚУТЛАЙМИЗ

Ҳурматли дадажонимиз, Мадаминжон Бобораҳимов! 28 март кун муборак 65 ёшга тўлишингиз муносабати билан Сизни чин дилдан қутлаймиз. Сизнинг ҳаёт йўлингиз биз фарзандларингиз учун ибратлидир.

Иш фаолиятингизни жамоа ҳўжалигининг табелчилигидан бошлаб, кейин 40 йиллик кучкуватингизни эл осойишталигини сақлашдек эзгу ишга бахшида этдингиз. Бу соҳада ҳам оддий милиционерликдан тортиб, туман, шаҳар ИИБ ҳамда вилоят ички ишлар бошқармасининг бўлими бошлиғига қадар лавозимларда сидқидилдан хизмат қилдингиз. Полковник унвонига сазовор бўлдингиз. Ҳозир кексалик гаштини сурмоқдасиз.

Азиз дадажонимиз! Биз икки ўғлингиз Сиз бошлаган ишни давом эттирмоқдамиз. Бугун барча онла аъзоларимиз номидан Сизга узоқ умр, сиҳат-саломатлик тилаб қоламиз.

Ўғилларингиз: милиция майори Ғуломжон ва милиция лейтенанти Абдоржон БОБОРАҲИМОВлар.



КУЛАНГА КЕНГ ДУНЁ

Судья айбдордан сўради:
— Сиз нега қўшинингизни урдингиз!

— Сиз қўшимдан нега мени урганлигини сўрамаслигингиз учун.

Судья айбдорга деди:
— Сиз гувоҳларнинг кўрсатмаларига қарши нима дейсиз!

— Бунини ўйлаб кўриш учун вақт керак.

— Яхши. Беш йил етадимми!

Уғил отасидан сўради:
— Дада, ароқнинг нархи ошганимиш. Энди сиз кам ичасиз-а!

— Йўқ, сен камроқ овқат ейсан.

Русчадан Адҳам ҲАМИДОВ таржимаси.

Поп шахри.

БОҒЛАРДА БАҲОР КЎРКИ.

Н. МУҲАММАДЖОНОВ олган сурат.

«ШУЛ ЭРУР АЙБИМ МУҚИМИЙ»

АКС-САДО

Ана шу сарлавҳа остида ўз фикр-мулоҳазаларини билдирган Тўлқин Ерқуловнинг маслағига юз фоиз қўшиламан. Халқимизда азалдан бир мақол бор. «Уроқда йўқ, машоқда йўқ, хирмонда ҳозир». Бу, айниқса, Тошкент шароитида уй-ойларни тақсимлашда кўзга яққол ташланади. Бошқа вилоятлардан келганларни қўяверинг, шу шаҳри азиямда туғилиб ўсган, вояга етиб ўлангач, аввалги маконига сизмай қолиб, ижарада истиқомат қилаётганлар қанча. Бир этак болача билан бировларнинг уйда яшашнинг азобини тасаввур қила оласизми? Аммо рус тилида сўзлашувчи миллат вакиллариининг ижарада турганларини кам учратасиз. Эҳтимол бордир, аммо ишончим комилки, уч-тўрт ойда, нари борса бир йил ичида улар ҳам қандайдир йўлини топиб, даниллама уйлارга кириб оладилар.

Ўз ватанига сизаётган юртдошларим эса гўлиги сабаб яна сабр-тоқат қилишга, ижарада яшайверишга мажбур. Чунки онгимизга бир ақда — сабрнинг тағи олтин, деган тушунча муҳрланиб қолган.

Энг алам қиладиган жойи шуки, иш жойининг тайини йўқ, ичкиликка муккасидан кетганлар давлат уйлариини ўғри ва безорилар қароргоҳига, ҳатто исловатхоналарга айлантирмоқдалар.

Мен истиқомат қилаётган Қўқон шаҳрининг Навоий даҳасидаги уйлариинг бирини В. Андреевко ва Н. Тазиева деган шахслар эгаллаб олгандилар. Эр ҳам, хотин ҳам ичкиликка муккасидан кетганди. Утган йилининг 9 октябры кунини улар қўшиллар кўз йўғида тўйиб ароқ ичи-

шади. Кейин эр кайфнинг зўридан ухлаб қолади. Шунини пойлаб юрган хотин эса унинг юрагига пичоқ ботиради. Эр қабристонга, хотин қамоқхонага равона бўлади.

Бундай воқеалар фақат Қўқондами? Йўқ, жумҳуриятимиз пойтахти Тошкентда ҳам, Олмалиқ, Навоий, Бухоро, Самарқанд шаҳарларида ҳам истаганча топилади. Умуман Ўзбекистонда бирорта йирик шаҳар йўқки, у ерда одамлар турар-жойга муҳтож бўлмасин. Бирорта шаҳар йўқки, ишнинг «кўзини» биладиганлар икки-учтадан хонадонларни ўзинини қилиб олмаган бўлсин. Шундан келиб чиқиб, юқоридаги мақолада кўтарилган мулоҳазалар гоёт долзарблигини яна бир бор таъкидламоқчиман. Ва ўз мулоҳазаларимни ҳам қўшиб ўтмоқчиман. Кўп жойларда милиция участка вакиллариининг тортиб паспорт столидаги ўртоқларгача, ижроия қўмитасидаги мутасаддилардан тортиб маҳалла бошлиқларигача бу сирни яхши билишади. Аммо бирор чора кўришга ожиз. Чунки ҳанузгача пулнинг қудратини сусайтириб, қалоллик, тўғрилиқ, принципатлик тушунчаларини тантаналарини таъминлай олганимиз йўқ. Таниш-билишчилик, хушомадгўйлик ва йўраларча муносабат илдизига болта урлоганимизча йўқ.

Ана шу бонс агар мавлоно Муқимий тирик бўлганларида, биз сарлавҳа қилиб олган шеърларини кўзда ёш билан яна бир марта такрорлаган бўлардилар.

Мадамин РАҲАБ ўғли.

Муҳаррир
Зокир ОТАЕВ.

МАНЗИЛГОҲИМИЗ: 700029,
Тошкент, Лопатин кўчаси, 1.

Телефонлар: муҳаррир — 54-37-91, муҳаррир ўринбосари — 39-77-23, муҳаббар бўлими — 59-26-56, 59-20-92, умумий бўлими — 59-21-21.

Обуна рақами — 64615.
44272 нусхада чоп этилди.

Ўзбекистон Жумҳурияти «Шарқ»

нашрият-матбачилик концерни
босмахонаси. 700083, Тошкент,
Ленинград кўчаси, 32.

• Кўчириб босишда «Постда»дан эканлигини кўрсатиш шарт. • Мақолада неэтирилган рақамлар, фантлар ва бошқа маълумотлар учун, шунингден, очик эълон қилиниши мумкин бўлмаган маълумотлар учун муаллиф жавобгар ҳисобланади. • Муаллифнинг мулоҳазаси тахририят фикрига мос тушмаслиги мумкин. • Қўлёзма-лар таҳия қилинмайдиган ва қайтарилмайдиган.